

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Meditationum evangelicarum volumen tripartitum

Creidius, Hartmann

Francofurti ad Moenum, 1682

Exegesis

[urn:nbn:de:bsz:31-122776](#)

II. Miraculum.

III. Colloquium.

J. J.

EXEGESIS.

Absolon Davidis filius, quod injuriam ab Ammone fratre suo tum sibi, tum satori in primis illatam ulcisceretur, epulum solenne instituit, & Ammonem invitavit, sed sub specie amoris merum odii & invidiae venenum subdolè occultavit, ut quidem exitus docuit, 2. Sam. 13. v. 27. seqq. Tale convivium nobis etiam in prælecta pericope describitur, ubi considerandus occurrit

I. *Hospes activus*, qui convivium instruxit. Describitur ille

I. *Ratione professionis*, quod fuerit unus ex primoribus Pharisæorum. Pharisæus idem est quod divisus vel separatus, quia se etæ istius homines affectata sanctimonia se quasi ab aliis separabant, & justitiae palmam omnibus aliis præripere volebant, ut patet exemplo Luc. 18. v. 11. seqq. descripto. Hic die Sabbathi peractis sacris convivium instituit, ut Judæis familiare erat, sicut videre est Nehem. 8. v. 10. & Tob. 2. v. 2. & Christum inter alios etiam invitat, quod planè non culpandum est. Convivia enim honesta instituere non est prohibitum, modo peragantur omnia in timore Domini, Tob. 9. v. 12. & modus servetur in cibo & potu. Sicut hic ad frangendum panem Christus invitatus esse dicitur, & Ahasverus Rex in suo Convivio neminem ad bibendum coëgit, Esther. 1. vers. 8.

Hæc convivia habent suum usum, qui triplex:

1. *Honestæ recreatio*, Eccles. 2. v. 24.
2. *Amicitia plantatio*. Hinc pro singu-

lari benedictione Dei estimatur, quando vocat amicus amicum subter vitæam & suum suum, Zach. 3. v. 10.

3. *Impiorum lucratio*, quo sine Christus ad publicanos & peccatores divertit, Matth. 9. v. 10. Luc. 19. v. 7.

2. *ratione intentionis*, quæ bona non est. Nam animo observandi Christum invitat, ut in convivio, ubi omnia solent & dici & agi liberius, aliquid accipere possit, quod calumniando depraver, & vel vitæ vel existimationi ejus insidias struat.

Observatores ejusmodi hodie multos invenias, qui sub specie singularis amicitiae aliorum dicta & facta explicantur, ut calumniandi & condemnandi occasionem inveniant. De hoc filiorum seculi ingenio graviter conqueritur David Psal. 55. v. 22. exempla vide 1. Sam. 19. vers. 10. 2. Sam. 13. v. 27. 1. Macc. 16. v. 15. 16.

Fugiamus nos vitium hoc diabolicum. Nam in Christo Iesu veritas, Eph. 4. vers. 23. contrà viri sanguinum & dolosi non dimidiabunt dies suos, Ps. 55. v. 24. Væ enim qui potum dat amico suo, mittens fel suum & inebrians, ut aspiciat nuditatem suam, Hab. 2. v. 15.

II. *Hospes passivus*, qui Christus est. Hic quamvis consilia Pharisæorum non ignorat, sciebat enim quid esset in homine, nec opus habebat ut quis testimonium perhiberet de homine, Johan. 2. v. 25. non tamen renuit venire, sed prompto accedit animo, nimirum voluit hæc ratione occasionem querere conversandi cum Pharisæis, eosque sacrificiendi, ut tanquam Evangelicus Pastor ubique rete suum panderet, cuius proprietas est, relinqueret 99. oves in deserto, & vel unicam aberrantem & ægrotantem reducere, Luc. 15. v. 4.



Videmus hic quatenus cum hæreticis & impiis aliis conversari licet. Certe Paulus talem conversationem improbare videtur, 1. Cor. 5. v. 12. 2. Thess. 3. v. 14. itemque Joh. 2. Epist. v. 10. nec sine fundamento. Cum sancto enim sanctus eris, & cum perverso perverteris, inquit David Psal. 18. v. 26. 27. & Sirach. c. 13. v. 1. qui tangit picem, inquinabitur. Sed tamen sciendum est, quod Christianus quilibet duplum quasi vitam agat. Unam Ecclesiasticam juxta Christianismum in doctrina, fide, usu sacramentorum, &c. alteram Politicam in quotidiana conversatione cum hominibus, quoad cibum, potum, emtiones, venditiones & alios contractus.

Quod priorem vitam attinet, non debet homo pius & orthodoxus cum impio & idololatra communicare, juxta admonitiones Pauli supra citatas, ne ob bucellam panis, ob potunculum vini, aut speciosi alicuius lucelli veritatem reticere, & adversariis pulvinaria supponere videatur, Ezech. 13. v. 18. Sic Christus cum Pharisæis quidem conversatus, non tamen ipsis adulatus est, ut patet, Matth. 12. v. 38. 23. v. 24. 33. seqq. Interim ratione societatis externæ cum impiis & à vera religione alienis conversati possumus, alias è mundo nobis foret excundum, 1. Cor. 5. vers. 10.

De Secundo.

Fuit Convivium, sequitur miraculum, ubi considerandus est

I. *Hydropicus*, qui imaginem peccati & concupiscentiarum carnalium nobis ob oculos ponit.

Hydrops lethalis ille morbus ex eo oritur, quod per nimiam aqua ingluviem epar debilitatur, sanguis corrumpitur, & homo tan-

dem suffocatur: Ita peccatum est spiritualis illa hydropsis, in qua omnes concepti & natissimus, Psal. 51. v. 7. quam omnes velut a quam imbibimus in utero, Job. 15. vers. 16. quam intus & in cute nostra circumferimus, ut nil quicquam boni in carne nostra habitet, Romanor. 7. v. 18.

Hydrops continuam fitim conjunctam habet, quam infecti hoc morbo restinguere non possunt, sed quod magis bibunt, eo magis situnt: Sic voluptatibus carnalibus incitati nunquam iisdem expleri possunt, sed ab iniustitia ad iniustitiam delabuntur Rom. 6. v. 19. præsertim avari, 1. Tim. 6. v. 9.

Hydrops ventrem inflat, & totum corpus turgidum reddit, quod mortis præludium est: Ita peccatum & in primis superbia hominem inflat, Ps. 73. v. 7. sed ruina ponèscitur, Prov. 14. v. 34. 16. v. 18.

Hydrops quando invaluit, incurabilis est, & omnem medicorum opem respuit: Ita peccatum humana virtute non deletur, ^{sed} _{21.4} solius Christi merito. Ego sum, inquit, ego sum ipse, qui deleo iniquitates tuas, & peccatorum tuorum non recordabor, Esai. 43. vers. 35.

Mortificate igitur vos mei, concupiscentias vestras. Nam concupiscentia quando concepit, parit peccatum, peccatum vero cum consummatum est, generat mortem, Jac. 1. v. 15.

II. *Medicus*, qui curam instituit. Hic Christus est Medicus ille magnus, Exod. 15. v. 26. & magister ad salvandum, Esai. 63. v. 1. quamprimum ille hydropicum videt, statim de auxilio cogitat, & ad Legisperitos & Pharisæos ait: Num licet Sabbatho sanare? Cumque ipsi tacent, pergit ille & sanathropicum, prolixam subiungens apolo-

giam,